

## **O'zbek - Healing Scriptures**

**Chiqish 15:26 U Isroil xalqiga shunday dedi: “Agar Men, Egangiz Xudoga hushyor bo‘lib quloq solsangiz, Mening oldimda to‘g‘ri ishlar qilsangiz, amrlarimga itoat etsangiz, hamma qonunlarimga riosa qilsangiz, o‘shanda Men Misrliklarni duchor qilgan xastaliklarning birortasiga ham sizlarni duchor qilmayman. Sizlarga shifo beradigan Egangiz Menman.”**

**Deuteronomy - Qonunlar 7:15 Egamiz sizlarni har qanday kasallikdan saqlaydi. Misrda o‘zlarining ko‘rgan har xil qo‘rqinchli xastaliklar sizlarning boshingizga kelmaydi. O‘sha xastaliklarni Egamiz sizlarning g‘animlaringizga yuqtiradi.**

**Zabur 107:20(106:20) Egamiz gapirib, ularga shifo berdi, Qabrdan ularni saqlab qoldi.**

**Zabur 146:8(105:8) Egamiz ko‘rning ko‘zlarini ochadi, Ikki bukilganlarning qaddini rostlaydi, Egamiz solihlarni sevadi.**

**Ishayo 35:5 O‘sha paytda ko‘rlarning ko‘zları ochiladi, Karlarning quloqlari esa eshitadi.**

**Ishayo 53:5 U esa bizning gunohlarimizni deb yarador bo‘ldi, Bizning ayblarimiz tufayli ezildi. Bizga tinchlik keltiradigan jazo unga tushdi, Uning yaralari bizga shifo berdi.**

**Ishayo 58:8 Shunda nuringiz tong kabi porlaydi, O‘zingiz tezda shifo topasiz. Egamiz doim oldingizda yurib, sizlarni asraydi, Ortingizdan Uning ulug‘vorligi sizni qo‘riqlaydi.**

**Yeremiyo - Eremiyo 30:17 Sen endi bo‘la qol, belingni bog‘la.**

**Buyurganlarimning hammasini ularga borib ayt. Ulardan qo‘rqma. Aks holda, ularning oldida seni vahimaga solaman.**

**Yeremiyo - Eremiyo 33:6 Shunga qaramay, bu shaharga yana shifo beraman, uni sog‘aytiraman. Aholisini sog‘-salomat qilib, cheksiz tinchlik va osoyishtalikdan bahramand etaman.**

**Malaki 4:2 Sizlar uchun esa, ey nomimni eshitib qo‘rqadiganlar, najot quyosh kabi ko‘tariladi, sizlarga shifo nurlarini sochadi. Ha, sizlar shodlanasizlar. Og‘ilxonadan qo‘yib yuborilgan buzoqlarday sakraysizlar.**

**Matto 4:23,24 Iso butun Jalila hududini kezib yurardi. U sinagogalarda ta’lim berib, Osmon Shohligi to‘g‘risidagi Xushxabarni e’lon qilardi, odamlarning har xil xastaliklari va dardlariga shifo berar edi. 24 Iso haqidagi xabar butun Suriyaga yoyildi. Turli-tuman dardu illatlardan qiynalib yurganlarni, jinga chalinganlarni, tutqanoq va shol kasaliga yo‘liqqanlarning hammasini Isoning oldiga keltirishardi. Iso ularning hammasiga shifo berardi.**

**Matto 8:16,17 Kech kirganda Isoning oldiga jin chalgan ko‘plab odamlarni olib**

**kelishdi. U so‘z bilan jinlarni quvib chiqardi, xasta odamlarning hammasiga shifo berdi. 17 Shu tariqa Ishayo payg‘ambarning quyidagi aytgan so‘zi bajo bo‘ldi: “Dardlarimizni U O‘ziga oldi, Og‘riqlarimizdan bizni forig‘ qildi.”**

**Matto 9:35 Iso hamma shaharu qishloqlarga borib, sinagogalarda ta’lim berardi, Xudoning Shohligi to‘g‘risidagi Xushxabarni e‘lon qilib, odamlarning turli xastaligu dardlariga shifo berardi.**

**Matto 10:1 Iso O‘zining o‘n ikki havoriysini yoniga chaqirib, ularga yovuz ruhlarni quvib chiqarish va har qanday dardu xastaliklarni sog‘aytirish quadratini berdi. (Mark 3:14,15)**

**Matto 10:8 Xastalarni sog‘aytiringlar, o‘liklarni tiriltiringlar, teri kasalligiga chalinganlarni poklanglar, jinlarni quvib chiqaringlar. Tekin oldingizlar, tekin beringlar.**

**Matto 11:5 ko‘rlar ko‘rmoqda, cho‘loqlar yurmoqda, teri kasalligiga chalinganlar tuzalmoqda, karlar eshitmoqda, o‘liklar tirilmoqda, yo‘qsillar Xushxabarni eshitmoqda.**

**Matto 12:15 Bir talay olomon Isoga ergashdi. U xastalarning hammasiga shifo berib,**

**Matto 15:30 Isoning oldiga bir talay olomon keldi. Ular o‘zlari bilan cho‘loq, ko‘r, mayib, soqov va boshqa ko‘plab xastalarni olib kelib, Isoning oyoqlari tomoniga o‘tqizdilar. Iso ularning hammasiga shifo berdi.**

**Matto 17:20/21 Iso javob berib dedi: — Yetarli imoningiz yo‘qligi uchun shunday bo‘ldi. Sizlarga chinini aytayin: agar zig‘irday imoningiz bo‘lib, shu toqqa: “Bu yerdan u yerga ko‘ch”, — deb aytsangiz, tog‘ ko‘chadi. Sizlar uchun imkonsiz narsa bo‘lmaydi.**

**Mark 1:34 Iso turli dardu illatlardan qiyngagan ko‘p odamlarni sog‘aytirdi. Ko‘plarning ichidan jinlarni quvib chiqardi. Jinlarning gapirishiga ijozat bermasdi, chunki jinlar Isoning kimligini bilishardi.**

**Mark 3:10 Iso ko‘pchilikka shifo bergani uchun, hamma xastalar Isoga qo‘llarini tekkizmoqchi bo‘lib, U tomon yopirilishardi.**

**Mark 6:5,6 Iso u yerda hech qanday mo‘jiza ko‘rsata olmadi. Faqatgina birmuncha bemorlarga qo‘l tekkizib, ularni sog‘aytirdi. 6 Iso odamlarning ishonchsizligiga hayron qoldi. Shundan so‘ng Iso atrofdagi qishloqlarda kezib yurib, ta’lim berardi.**

**Mark 6:13 Ular ko‘p jinlarni quvib chiqarishdi va ko‘p xastalarga zaytun moyi surtib ularni sog‘aytirishdi.**

**Mark 6:55,56 Odamlar butun yurtni yugurib aylanib chiqdilar, xastalarni to‘saklarda Isoning oldiga olib bordilar. Ular har safar Isoning qayerdaligini eshitishsa xastalarni o‘sha yerga olib borishardi. 56 Iso qayerga bormasin — qishloqlargami, shaharlargami, ovullargami — odamlar xastalarni ochiq maydonlarga yotqizib qo‘yishardi. Xastalar Isodan: “Hech bo‘lmasa kiyimingizning etagiga qo‘l tekkizaylik”, deb**

**iltimos qilishardi. Unga qo'l tekkizganlarning hammasi shifo topardi.**

**Mark 8:23-25 Iso ko'rning qo'lidan ushlab, shahardan yetaklab olib chiqdi.**

**So'ng ko'zlariga tupurib, qo'llarini uning ustiga qo'ydi-da: — Biron narsa ko'ryapsanmi? — deb so'radi. 24 Ko'r boshini ko'tarib: — Odamlarni ko'ryapman, lekin ular yurayotgan daraxtlarga o'xshaydi, — dedi. 25 Shundan keyin Iso qo'llarini yana ko'rning ko'zlariga tekkizdi. Ko'r odam ko'zlarini ochib qarasa, sog'ayib qolgan, hamma narsani aniq ko'rayotgan edi.**

**Mark 9:29 Iso ularga dedi: — Bu toifa jinlarni ibodatdan boshqa yo'l bilan haydab bo'lmaydi.**

**Mark 16:17,18 Quyidagi alomatlar imonlilarga hamroh bo'ladi: Mening nomim bilan jinlarni quvib chiqaradilar. Yangi tillarda so'zlaydilar. 18 Qo'llariga ilon olsalar ham, zahar ichsalar ham, ularga zarar yetmaydi. Xastalarga qo'llarini qo'yganda, ular sog'ayib ketadi.**

**Luqo 4:18 "Egamizning Ruhi meni qamradi. Yo'qsillarga Xushxabar yetkazmoq uchun Egam meni tanladi. Zindondagilarga erkin bo'lasiz, deb aytmoq uchun, Ko'rlarga, ko'zingiz ochiladi, deb xabar bermoq uchun, Asirlarni ozod qilmoq uchun,**

**Luqo 4:40 Quyosh botayotgan paytda, odamlar turli xastalikdan azob chekayotgan qarindosh-urug'larini Isoning oldiga olib keldilar. Iso hamma xastalarga qo'lini qo'yib, shifo berdi.**

**Luqo 5:15 Iso to'g'risidagi gap-so'zlar esa tobora yoyilib boraverdi. Tumonat xaloyiq Uni tinglash va dardlaridan forig' bo'lish uchun Uning oldiga yig'ilib kelar edi.**

**Luqo 5:17-25 Bir kuni Iso ta'lim berayotganda, Uning tinglovchilari orasida farziylar bilan Tavrot tafsirchilari ham o'tirgan edilar. Ular Jalila va Yahudiyaning hamma qishloqlaridan, Quddusdan kelgan edilar. Isoda Egamizning xastalarga shifo berish qudrati bor edi. 18 Bir nechta kishi to'shakda yotgan bir shol odamni ko'tarib keldilar. Uni uyga — Isoning oldiga olib kirishga urindilar. 19 Lekin olomon ko'pligidan buning ilojini topolmay, uyning tomiga chiqib, tomdan teshik ochdilar. So'ng sholni o'sha teshikdan to'shagi bilan olomon o'rtasiga — Isoning oldiga tushirdilar. 20 Iso ularning ishonchini ko'rib, sholga dedi: — Birodarim, gunohlaring kechirildi. 21 Tafsirchilar bilan farziylar esa o'zlaricha shunday mulohaza qila boshladilar: "Kufrlik qilayotgan bu Odam kim o'zi? Xudodan boshqa hech kim gunohlarni kechira olmaydi-ku!" 22 Iso ularning mulohazalarini bilib, shunday savol berdi: — Nega bunday narsalarni o'ylaysizlar? 23 Qaysi biri osonroq? Sholga: "Gunohlaring kechirildi!" deb aytishmi, yoki: "O'rningdan turib yur!" deb aytishmi? 24 Inson O'g'liga yer yuzida gunohlarni kechirish hokimiysi berilgan. Hozir shuni bilib olasizlar. Iso shunday dedi-yu, sholga: — Senga aytaman: o'rningdan tur! To'shagingni**

**olib, uyingga bor! — deb buyurdi. 25 Shol o'sha zahoti hammaning ko'zi oldida o'rnidan turdi. Yotgan to'shagini olib, Xudoni ulug'lab, uyiga ketdi.**

**Luqo 6:17-19 Shundan so'ng Iso ular bilan birga pastga tushib, tekis joyda to'xtadi. Bu yerda Uning ko'plab shogirdlari, shuningdek, butun Yahudiyadan, Quddusdan, sohildagi Tir va Sidon hududlaridan kelgan bir talay olomon bor edi. 18 Ular Isoni tinglagani va xastaliklaridan forig' bo'lGANI kelgan edilar. Yovuz ruhlardan azob chekayotgan odamlar ham shifo topdilar. 19 Hamma odamlar qo'llarini Isoga tekkizishga urinardi, chunki Undan bir kuch chiqib, hammaga shifo berardi.**

**Luqo 7:21,22 Ayni shu paytda Iso ko'p odamlarning xastaliklariyu dardlariga shifo berayotgan, yovuz ruhlarga chalinganlarni tuzatayotgan, ko'plab ko'rlarning ko'zlarini ochayotgan edi. 22 Iso Yahyoning shogirdlariga shunday javob berdi: — Boringlar, ko'rib eshitayotganlaringizni Yahyoga aytinglar: ko'rlar ko'rmoqda, cho'loqlar yurmoqda, teri kasalligiga chalinganlar tuzalmoqda, karlar eshitmoqda, o'liklar tirilmoqda, yo'qsillar Xushxabarni eshitmoqda.**

**Luqo 8:2 Yovuz ruhlardan va xastaliklardan xalos bo'lgan bir necha ayollar ham Isoga ergashgan edilar. Bular: Magdalalik Maryam (uning ichidan yettita jin chiqib ketgan edi),**

**Luqo 9:2 Iso ularni Xudoning Shohligini e'lon qilishga va xastalarni shifolashga yuborar ekan,**

**Luqo 9:11 Olomon esa bu haqda xabar topib, Uning orqasidan ergashdi. Iso olomonni yaxshi kutib oldi, ularga Xudoning Shohligi to'g'risida gapirdi, shifoga muhtojlarni shifoladi.**

**Luqo 13:12 Iso uni ko'rgach, yoniga chaqirib dedi: — Ey ayol, sen dardingdan xalos bo'lding!**

**Luqo 13:32 Iso ularga shunday dedi: — Borib u tulkiga aytinglar: "Eshitib ol, Men bugun ham, ertaga ham jinlarni quvib, xastalarga shifo beraman. Uchinchi kuni esa ishimni tugataman."**

**Yohanno 5:8,14 Iso unga shunday dedi: — O'rningdan tur! To'shagingni olib, yur! 14 Keyinroq Iso u odamni Ma'badda uchratib qolib, unga dedi: — Mana, sen sog'ayding. Endi gunoh qilma, tag'in boshingga bundan battar kunlar kelmasin.**

**Yohanno 14:12 Sizlarga chinini aytayin: Menga ishongan odam Men qilgan ishlarni qiladi. Bulardan ham buyukroq ishlarni qiladi, chunki Men Otaning oldiga ketyapman.**

**Faoliyati - Havoriyalar 3:6 Butrus esa unga dedi: — Mening pulim yo'q, ammo o'zimda bor narsani senga beraman. Nosiralik Iso Masih nomi bilan senga buyuraman: o'rningdan turib yur!**

**Faoliyati - Havoriyalar 5:15,16 Odamlar: "Butrus yo'ldan o'tayotganda, uning soyasi bularning ustiga tushsin", deb xastalarni ko'chalarga olib**

**chiqishardi. Ularni chorpojalarga, to'shaklarga yotqizib qo'yishardi. 16 Bir talay olomon ham Quddus atrofidagi qishloqlardan keldi. Ular ham xasta, yovuz ruhlardan azob chekayotganlarni olib kelgan edilar. Xastalarning hammasi shifo topdi.**

**Faoliyati - Havoriyalar 10:38 Xudo Nosirilik Isoni Muqaddas Ruh va kuch-qudrat bilan qanday to'ldirganini bilasizlar. Iso hamma yoqqa borib, yaxshi ishlar qildi, iblisning hukmronligidan azob chekkamlarni shifoladi, chunki Xudo U bilan edi.**

**Faoliyati - Havoriyalar 19:11,12 Xudo Pavlus orqali g'aroyib mo'jizalar ko'rsatar edi. 12 Pavlusning tanasiga tekkan ro'molcha yoki kiyimlar xastalarga tekkizilganda, ular xastaliklaridan shifo topar, ulardan yovuz ruhlar chiqib ketardi.**

**Rimliklarga 8:26 Buning ustiga, ojizligimizda Ruh bizga madad beradi. Chunki biz qanday ibodat qilishni bilmaymiz, ammo Ruhning O'zi ifoda qilib bo'lmas oh-nolalar bilan biz uchun Xudo oldida shafoat qiladi.**

**1 Korinfliklar 12:9 O'sha Ruh orqali kimgadir kuchli bir imon beriladi, boshqa birovga esa shifo berish in'omi beriladi.**

**1 Korinfliklar 12:28 Shu tariqa, Xudo imonlilar jamoatiga, birinchidan, havoriyarni, ikkinchidan, payg'ambarlarni, uchinchidan, muallimlarni tayinlab berdi. Keyin ba'zilarga mo'jiza ko'rsatish qobiliyatini, boshqalarga esa shifo berish in'omini, yana boshqalarga yordam berish, boshqarish, noma'lum tillarda gapirish qobiliyatlarini ato qildi.**

**Filippiliklar 2:27 Haqiqatan ham u o'lar holatda kasal edi, ammo Xudo unga rahm-shafqat ko'rsatdi. Bu bilan Xudo faqat unga emas, balki g'amimga g'am qo'shilmasin deb, menga ham shafqat qildi.**

**Yoqubning 5:14 Orangizda kasal bo'lgan bormi? Jamoat oqsoqollarini chaqirtirsin. Ular ibodat qilib, Rabbimiz Iso nomi bilan bemorning boshiga zaytun moyini surtsinlar.**

**1 Butrus 2:24 U gunohlarimizni O'ziga oldi, a'zoi badani yog'ochda azob chekdi. Shu tufayli biz gunoh uchun o'lganmiz va solih hayot kechira olamiz. Uning yaralaridan biz shifo topdik.**

**3 Yohanno 1:2 Aziz do'stim, hamma ishlaringga Xudodan rivoj tilayman. Tanang ruhing singari sog'-salomat bo'lsin.**